

Aruba Symphony Festival ta presenta

Awe nochí - Ocho maestro y Ocho instrumento musical na Cas di Cultura



AWE nochí lo tuma lugar na Cas di Cultura e conocido **Faculty Concert** cu ta faborito di hopi siguidor di Aruba Symphony Festival. E Faculty Concert lo presenta ocho maestro di nivel mundial kendenan lo toca nan ocho instrumentonan musical den grupo chikito caminda e zonido puro di cada instrumento por wordo aprecia y asina tambe por goza con instrumentonan completamente diferente ta complimenta otro pa haci nan resalta.

Berdaderamente, musica di nivel halto den su optimo claridad. Mayoria di e musiconan tin grado universitario halto y ta profesor na diferente universidad. Entre nan tin Suiso, Brasileño, Mericano, Costaricense, Chines y otro. Bishita www.arubasympphonyfestival.com y conoce e trayectoria di cada un di e maestronan.

E programa ta cuminsa awe nochí cu Trio for Trumpet, Violin and Piano. “Sonata” di E. Ewazen

Carl Cranmer, piano; Olivier Piguet, fiyo; Jean C. Dobrzelewski, trompet. Ta sigui Adam Liu cu su cello tocando e Suite No. 4 in Eb Mayor BWV 1010 di J. S. Bach.

P’esnan cu tabatin e privilegio di scucha Sr.Liu diaranson anochi, esaki lo ta un treat delicioso. E programa ta termina cu e quinteto consistiendo di Meghan Woodard riba oboe; Boja Kruglj, clarinet; Olivier Piguet, fiyo; Randolph Kelly, viola, y George Amorim tocando su contrabajo. Maestronan di nivel mundial!

E concierto lo cuminsa 8 pm den sala grandi di Cas di Cultura. Entrada ta GRATIS. Lo tin un caha pa donacion caminda bo por muestra bo aprecio p’e Festival. Te aworo na Cas di Cultura.

